



09765

問青閣詩集卷六

天津樊



早春由晉旋里

輪蹄敢說倦征塵
拜別韓門意轉親
食客幸非儕狗盜
長途此去比鴻賓
雲山遠送猶無恙
風雨高歌覺有神
珍重離筵相餞意
椒盤栢棧正紛陳

漫成

客味歌長缺行程
託短吟風塵眞鹿鹿
歲月覺駸駸殘雪
迎春早斜陽界嶺深
奚囊詩句滿莫問橐中金

過唐狄梁公故里

太原府城南地名狄村

問青閣詩集

卷六

梁公故宅認依稀
古樹穹碑對落暉
呂后幾移炎漢祚
乾侯終護魯昭歸
粉榆子姓居猶近
桃李公門世已非
勲業汾陽輝映遠
舍旁空有白雲飛

平定州

薄岡行不盡樓堞一
城懸路折千峯峻
天垂大漠圓長風
來振袂春雨見畊田
西望太行脊蒼然
接遠烟

壽陽道中

朔風吹雪送征輪
快得還鄉及早春
獻歲壺觴宜餉客
連村簫鼓正迎神
坂田澗繞成膏壤
石徑砂飛少軟塵
屈指到家燈市近
當頭又見月華新

元氣闕鴻濛懸厓鳥道通嚴關雄趙北絕塞控雲中地險
征輪怯時平戰壘空成安真計拙弔古獨臨風

晉祠泉水泛清泠終歲長生有瑞萍地近風高鶯語盡天
王畿春更早早山溝寒翠點星星

一路塵沙送客輶恒山回首隔迢迢河冰鐵騎會飛渡劫
火銅仙尙未銷

隆興寺大佛
隋唐時物

百雉連雲開重鎮雙虹跨水

指官橋前途定見春光滿明月清風柳萬條

聞音閣詩集

卷一

二

白溝河有感宋遼事

一曲冬青萬古愁當年南北此鴻溝金槍易地開邊釁玉
斧分疆誤祖謀未見黃牛終復漢那容白馬尙朝周渡江
難雪蒙塵恥嗚咽何聲恨不休

王都門早春

迎春幾日駕蒼龍景物暄妍到處逢綺陌風高鶯語澁天
街塵軟馬蹄鬆草痕南苑鋪深淺笑態西山畫淡濃獨愧
凌雲空作賦年來人海滯萍蹤

楊忠愍公祠

宣武門外松
筠庵公故宅

抗疏鋤奸曠代無百年俎豆祀

神都丹心何用遣蛇膽赤手眞將捋虎鬚燕市風雲常慘
淡鈐山堂館久荒蕪凜然大節分明見階下松筠碧影扶
晚宿河西務

晝短行程促孤村日又西人家臨水近燈火出林低生計
同雞肋浮蹤信馬蹄黃河誰解唱畫壁半污泥
題張皋文先生女孫詩冊
門高通德自傳家蘭蕙當春茁秀芽七字吟成誇柳絮三
生夢幻感曇華好詞到處評黃絹講帳當年重絳紗偏是
紅閨能守硯琉璃塵掩共咨嗟

哭兩妹

問青閣詩集

卷六

三

哭到家半載兩妹繼亡賦此誌慟

從今莫問天倫樂數短偏教聚一家誰信嫁時方賣犬最
堪憐處是隨鴉恨長未種宜男草淚盡應開怨女花骨肉
早知成永訣飄蓬何事滯天涯
饑驅猶憶困風塵雷岸傳書慰苦辛千里旋歸纔半載九
原回去侍雙親也知姑惡難爲婦却恨醫庸竟殺人雪滿
庭前腸欲斷淒涼獨剩苦吟身

感懷

難憑果報悟因緣欲覓巫咸問九天鬼伯無情歌薤露神
仙有恨見桑田誰言白髮原公道偏是黃楊厄閏年何日

始更將乃婦
留留之曰治
恨之心思

向平婚嫁了高山深入卧雲烟

快雨

頽雲壓空陽鳥藏中蟠黑蜃之而張倒吸海水三萬丈通
灑犬界爲清涼雷鼓轟擊六丁下玉女笑掣金蛇光高荷
大芋紛無數聲喧萬瓦連虛堂白羽橫飛刀槍迸如觀列
陣圍昆陽庭前積水深沒髀斗室宛在波中央檐溜直挂
水晶箔旋疑瀑布飛石梁竹樹溟濛合烟霧米家皴法眞
老蒼今茲三輔苦早熟鋤禾揮汗嗟堪傷得此甘霖勢滂
沛潤滋墳壤生禾梁雖無負郭田二畝也隨農父歌豐穰
祗融失權炎焘退置我雪嶺冰山旁清風徐來開北牖悠

問青閣詩集

卷六

四

然一枕游羲皇夢中不知雨已止猶騎龍背揚天漿

徐蘭生大令

大鑄

以所藏印章見示喜賦短歌卽送

之官中州

一從篆隸變楷法六書遺意誰鑽研賴有印章存一綫籀
文奇字今仍傳漢家鑄銅最淳樸製與鐘鼎同完堅近代
巧琢他山石遠勝竹木晶牙鑄蘭生嗜古精賞鑒書畫自
泛烟波船蓄藏石印數盈百體備大小兼方圓隸几羅陳
誇示客坐消夏日如長年朱文白文筆鋒妙鸞翔鳳翥紛
翩翩鼻紐玲瓏出名手辟邪海馬獅麟全五色斑斕洵尤
物筆頭花放堪爭妍頗疑媧皇補天剩儼若美玉生良田

黃琮蒼壁古所貴論價奚止值城連想當在山完太璞實
光直射虹蜺懸仇石珍惜比坡老研山癖好同米顛君今
剖符作茂宰雕蟲篆刻何取焉政成三異書上考紫泥墨
勅

絲綸宣肘後黃金印如斗區區視此真雲烟作詩一笑索
君和書來示我瓊瑤篇

題人竹深荷淨小照

渭水洪園入望眞青鸞影拂石嶙峋知君懷抱偏瀟灑多
種修篁當美人

田田葉底放朱華出浴紅粧映曉霞七十二沽烟水濶輕

問青閣詩集

卷六

五

舟便合去浮家

題王生墨蘭

騷客情深好佩紉清癯對影自成春幽芳位置宜空谷不
向東風媚俗人

國香寫照墨華滋掩映庭前玉樹姿羨煞君家庠誥室一
拳綺石貯黃磁

河燈曲

一點兩點明飛螢三點四點流繁星須臾散作光千百燐
火低照波痕青鈴鐸聲喧拯溺鬼梵言秘召幽魂起乞得
餘輝入轉輪燃犀牛渚差堪擬儂家夫婿工弄潮年年海

上乘輕橈一自迎潮葬魚腹空閨常度可憐宵已向郊原
哭秋草黃昏信步河橋繞月明如水獨歸來蘭缸夜伴釵
蟲小

素心蘭和韻

全超色相證前修入室方知韻倍幽風汎謝庭依玉樹月
明楚曉照銀鈎美人粧淡誰青眼香祖年深也白頭何物
秋來堪比潔娟娟涼露滿芳洲

冰絃一曲素琴橫臭味居然與共清紉佩疑添青女色循
陔真慙白華情畫臨粉本銀毫淨言契同心玉屑輕空谷
原非忘世客丹忱一樣比葵傾

問青閣詩集

卷六

六

奉懷筠潭師

岳牧諸侯長堂簾一德隆常存儒者氣真有大臣風澤國
歸來後門墻想像中栽培知已負搔首恨何窮

秋聲

信是金天爽籟生騷人羈客聽尤清幾行旅雁驚霜早四
壁寒蟲呖月明楊柳高樓橫笛遠梧桐別院搗衣輕廬陵
一賦高千古萬竅如聞訴不平

秋色

蕭條景物望無窮渲染應勞白帝功高閣有人望天水重
陽幾日釀霜風山粧萬疊寒烟白葉落千林夕照紅憶得

少陵傳妙句蒼然果見滿關中

閒居雜興六首

千里倦行旅還鄉樂自真鱸魚知味美鷗鳥覺情親賞雨拈新句看雲憶故人滄浪清見底洗盡軟紅塵

搖落逢商序幽人感慨多秋聲喧鐵騎夜氣逼銀河親舊搏沙散光陰掣電過唾壺猶可擊乘興且高歌

小隱居城市棲身有傲廬苔花隨徑曲瓜蔓補籬疎鳥語催沽酒蟲聲伴讀書機心應早息清夢也蘧蘧

安得浮家去烟波興不窮歌成楊柳月涼對葦花風柔艣聞秋雁橫橋接霽虹銀燭看不足翹首大瀛東

閒青閣詩集

卷六

七

鎮日渾無事心閒迹轉忙一枰爭黑白萬卷任丹黃楹帖教兒讀園蔬約客嘗夜涼貪露坐消受百花香

閒遊忘路遠到處足勾留碧樹烟中寺朱簾水外樓逢人開笑口排日作遨頭款段原堪策高風憶少游

雨後曉行

一夜西風急雲歸已放晴河橋明曉色水鳥作秋聲泥滑孤筇健涼深薄袷輕人家村樹裏好去叩柴荆

十里落葉

霜信催寒又一年蕭蕭落葉下無邊飄零也似秋風客解脫宜參枯木禪捲盡疎林空夕照堆來荒徑正寒烟丁沽

記得涼波起篷背輕敲夜未眠

繁陰已改態婆娑回首年華感逝波影亂偶隨鴉陣遠聲
乾偏趁馬蹄多何堪枯樹猶如此欲共飛花喚奈何秋色
滿庭紅未掃荆關妙手幾臨摹

爲向人間報早秋飄然不復戀枝頭路埋碧蘚僧歸寺樹
露青山空倚樓猶有餘聲喧暮雨誰題好句付清流眼前
不用傷搖落到處蓬飛得自由

榮枯轉轂本無常飄泊何須怨素商老蠹齧餘疑刻畫寒
蛩覆處笑迷藏江村響雜寒蘆白沙磧痕連塞草黃巖澗
莫嫌成棄物千山錦繡艷秋光

問青閣詩集

卷六

八

五更

殘夢未能續五更獨醒時關山羈客感湖海故人思夜靜
秋聲急林深曙色遲新霜應早降寒信布衾知

曉行卽景

霜冷逼重裘蒼茫夜氣浮鐘聲孤寺外雞唱五更頭野樹
連雲暗河水帶月流風塵綠底事高卧羨林邱

行役

歲晚尙行役風沙撲面多長途憐老驥野店數寒馳曉色
莽三輔霜痕滿大河道旁栢柳樹生意已娑婆

遣懷

田園寄跡類懸匏偏是閒愁未易拋歲月已驚蛇赴壑生
涯遠似燕營巢北邙寂寞添新鬼東郭蕭條感故交徒費
精神更何補拈來詩句自推敲

岳鄂王遺硯歌爲宋文湖

銘堯

參軍作

并序

硯爲明洪武間賜中山王徐達物王賜第在藁城
縣城南今名皇莊在金陵大功坊者王分支也藁
城人劉景芳得此硯以歸山右宋文湖銘堯彬獲
觀於文湖寓中爰賦是歌斷金泐史于好畹曲
南渡君臣誤和議金牌十二成功棄片石留傳七百年銘
肌宛見精忠字體修六寸有四分上有瑞日披祥雲丹心

問青閣詩集

卷八

九

自矢湯陰里煌煌古篆蟠螭文維王神姿擅文武捷書近
抵黃龍府朱仙鎮上詔班師長城自壞嗟何補此硯隨公
幾馳驅不隨良嶽輦上都銀瓶并涸金陀改千秋碧血凝
模糊中山勲業旂常炳高皇寵錫雲根冷劫灰消盡大功
坊一枝今又吟紅杏君不見宋代文山與壘山兩公遺硯
存人間摩挲同觸興亡感何處冬青哭杜鵑

臘八粥

沙門傳臘八粥熟萬家嘗爲有三冬蓄炊成五穀香芰菱
存野味棗栗溢餘芳淘處冰華潔熬來火候詳供宜先佛
座餉或到鄰坊流滑爭誇美消寒覺與長老饜今日足餓

歲幾人忙春酒浮新蟻嘉肴配瘦羊飢盤同雜俎銘鼎憶
循墻腹果誰攤飯年豐樂乞漿桃符時欲換杏酪價徒昂
腰鼓聲聲急遺風想故鄉

除夕

漏柝無聲爆竹連光陰駒隙倏推遷不眠聊比庚申守得
句重教甲子編畫燭滿堂含曉色祥雲隔歲報豐年栢觴
漫飲屠蘇酒佳節思親倍黯然

獨笑

鳥語催人酌玉缸青氈獨笑擁寒窗萬言書上饑何補百
尺樓高氣未降海內文章原有數眼前才士孰無雙可憐
傲帚千金享郢曲長歌下里腔

同青閣詩集

卷六

十

聞清虛閣鈴聲

天半響泠泠遙聞道院鈴顛風如解語夜雨憶曾聽碧殿
喧逾寂黃梁夢乍醒一聲清磬答身世悟勞形

與高寄泉

繼珩

戴臆川

傅洙

徐浣雲

文瑛

諸孝廉夜

話

清談竟夜勝高眠舊雨相逢信風緣交到忘形誰主客生
能行樂卽神仙紅燈綠酒酣今夕黃葉青山憶往年記取
雪泥鴻爪印詩成好爲寫籐箋

老驥行

霜蹄歷盡崎嶇路空羣難遇孫陽顧伏櫪心猶千里雄徒
教羈絡傷遲暮拳毛血汗龍爲媒長驅直踏風雲開渥注
之產自神駿世間鞭策皆駑駘此身未獲天閑貢珠勒雕
鞍誰磬控處歲風塵齒已增太行苦爲鹽車用將軍百戰
成大功帳前不少青海驄豈知絕地奔霄騎猶在泥塗委
棄中俗情顛倒鹿爲馬驪黃安解分高下半世相逢皮相
多好龍誰與論真假絕域長城幸識途履艱涉險敢言瘡
生芻飽鬻清泉飲翻覺思深廐下奴氣沮飛揚鬣尾禿幾
瘡背上饑烏啄却羨田間老特牛終日安閒傍牛屋吁嗟
乎古人求馬千黃金一朝名馬來馱馱老當益壯詎虛語

問青閣詩集

卷六

七

好報燕臺市骨心

村晚

暮色來無極炊烟接四鄰鱗生風到水眉細月窺人老樹
棲鴉穩疎籬卧犬馴蕭蕭蘆荻外漁火認前津
兩妹歿已經年姊始得知書來傷慟不已泫然有作
兩妹歸黃土天涯信未通九原悲逝水一紙哭春風骨肉
幾人在浮生勾夢同歸期難預問誰與話愁衷

憶梅

人間奇福有林逋索笑孤山興未孤想見神仙成眷屬不

將西子羨西湖

歲晚園林見一枝分明冰雪鍊芳姿
臨風玉笛吹花落惆悵黃昏獨立時

贈方雲初拔萃

四知

藝芸茂才

五德

久羨芳名五桂枝
江天迢遞見偏遲
十年郊島吟方苦
一旦機雲遇亦奇
同是槐花忙又到
怕持芍藥贈將離
駑駘已覺風塵倦
敢望青雲驥步隨
題方藝芸詩冊
清辭麗句本天然
出水芙蓉映日鮮
自古風流推白下
如君才藻信青蓮
詩懷遠憶巴山雨
別緒常縈薊樹烟
擊鉢高吟留後約
秋來重泛孝廉船

問青閣詩集

卷六

七

題天師圖

卯飲三蕉吾醉矣
酒氣淋漓出十指
吮毫寫作天師圖
游戲神仙或如此
菖蒲爲劍艾葉衣
仰天一喚風雷起
吾聞留侯是乃祖
道具神通貌女子
形容胡爲太不肖
赤髮猗猗笑牛鬼
得毋魑魅畏爾醜
度朔山前學鬱壘
端陽已近榴花明
靈符同挂薰風裡
太平之世妖氛靖
聊比登場戲傀儡
終南儻遇老鍾馗
傲爾科名稱進士
師乎勸爾一杯酒
莫向人間逞神技

野晴

雨晴風物美
繡野耀朝暾
新草黃泥屋
垂楊白板門
船回

聞擢唱市遠絕塵喧偶就田家話桑麻對酒檜

京寓聞鐘

數盡蒲牢百八聲分明人海喚羣生
榻來雙闕雲城迥忽憶孤舟霜夜清
蝴蝶纔迴荒館夢蝦蟆遙應禁垣更
頻年乞食京華路慚愧闍黎飯後鳴

楊柳詞四首

長亭遠短陌春至見稀生未入靈和殿
年年空復情枝折渭橋北花飄汴水東
託根無定處位置惱天公柔條當馬鞭
箠馬長安路本是多情種翻作無情物
生意婆娑後東風吹又青漫言飛絮弱
九子化浮萍

問青閣詩集

卷六

三

題月中梅竹

粵綠仙人貌最臞飛來翠鳳傍冰膚
瓊樓咫尺清寒境搗得元霜換骨無

籬眼

不礙雲烟過疎疎揀短籬白宜峴月上青也
愛花垂壁訝飛龍點堂應睇燕迷會誰相目送
睥睨女牆窺

樓角

岑樓高莫及厥角象尤真鈎鬪一時巧崢嶸
百尺新麟瞻飛閣聳蝸笑敞廬伸春夜會聽雨
關心欲墊巾

檐牙

密密牙相錯雕檐四面連月華銜自遠雨溜漱尤便人莫
茅龍拔墉殊穴鼠穿偶從橋外望雁齒映前川

簾額

居然開廣額鎮日愛垂簾人面三分憶斜陽一抹添手加
紅袖捲眉列翠鈎尖定有新粧好梅花點畫檐

贈方湘漁提舉

若麟

錦江遺澤溯甘棠

謂尊甫有堂方伯

難弟才名玉樹行此日南天

留治譜平生又幸識龔黃

山中狐兔敢縱橫惠績爭傳射虎行

君剪除蒙化惡匪陳遵德有射虎行詩紀

之一自神明曾拔薤蠻江萬里祝長生

問青閣詩集

卷六

十四

漢家鹽鐵重長才正筴爭輸太府財自有廉泉生古井使
君恰愛勵清來

萬里星槎泊海壖春風喜得被寒氈他時京兆相逢處可

許推敲到馬前

時解劍入都余亦將赴秋試

線扣

持將宛轉絲織作雙紅豆千里寄儂歡相思縈襟袖

徐麗堂姊夫惠寄帳紗賦此爲謝

皎如晴雪薄如烟絕勝荒齋紙帳懸疑是鮫人潛水織更
無蚊市擾宵眠飾宜百結流黃綴書並三秋尺素傳愧乏

瓊瑤酬雅意還憑驛使寄吟牋

即景

滿目新晴色秋風第一程
渚迴鷹鴨語林遠護蟬聲
積潦未全涸勞人方遠征
輪蹄何日歇坐釣柳陰清

旅舍

蔬雜塵埃飯有沙
征驂暫駐野人家
春光不到黃茅屋
風捲殘芻學落花

雨後

庭樹西風撼綠雲
忽有聲容懷正惆悵
秋信已分明
傍夕一蟲語誰家
雙杵鳴西山
當雨後送爽入重城
寄頌

借方雲

初藝芸熊蕩孫遊
泡子河
初時好
詩
未

問青閣詩集

卷六

五

路隔塵囂遠城隅境自幽
涼雲低挂水疎柳淡搖秋
夢未

黃梁悟旁有呂仙祠

人懷白下游石橋
閒立人吟興寄眠鷗

都門偶成

共向銅街早着鞭
一彎殘月挂城邊
晨鐘誰說能醒世
催起紅塵又漲天

天橋月色白於銀
人影紛紛逐軟塵
共說孟蘭今夕盛
荷

燈蒿樹耀城圍

汪小舫大令

懷

輓詩

平生詩酒最相親
鄰笛遙聞倍愴神
花縣無慚慈父母
蓬

山本是謫仙人

由庶常散館改甘泉令

眼前大有黃壚感
堂上應添

問青閣詩集卷七

諱 壽昌 天津人

人半懷恩感舊詩 并引 諱 泉 題 諱 令 諱 景 題 諱 興 入 好 餘 天津樊 彬質夫

青閣賦性厭媒炫宜無聞稱乃半生佔畢每以文字見知

獨肯教於大人先生今天各一方或已歸道山懷之感之

烏能已乎各繫數語以矢勿諼

業師張琴溪先生 諱 壽昌 天津人

賤子幼孤露家徒四壁貧幸得附里塾誦讀免負薪師正

擁皋比不惜教誨諄諄文成觀器識往往擊節頌三年侍函

丈藹然座上春蒙書留手澤展卷淚霑巾

問青閣詩集

卷七

外舅范蔭亭先生 諱 廷松 天津人

傷心南阮貧坦腹東廂擬交字結因緣儼若水人使嬌女

嫁黔婁甘心食糠粃泮芹幸早撥展謁掀髯喜奠雁歲一

週夢蛇病不起回首丈人峯吞聲負知已

凌謙齋太守 諱 泰 交 定 遠 人

憶昔舞勺年出應童子試率爾學操觚詩文聊快意獨蒙

青眼加期以遠大器逢人說項斯鄰壤知名字同時立雪

人半展凌雲翅我是竹馬兒頭顱今若是試聽輿人歌猶

有甘棠思悠悠淮水深化作青衫涕

問青閣 吳雲樵少司寇 諱 芳 培 涇 縣 人

燕士鈍如椎詞章非所向
翰軒來采風舊錦無新樣
年少氣粗豪摘藻空倚傍
偶效洛下吟擊節邀哲匠
拔補弟子員多士知趨向
時同試詩古才十餘人今十倍矣
躋蹬阻青雲栽培負絳帳

杜石樵少宗伯

名堯濱州人

巖巖泰山峯五嶽羣推長
巍巍文章伯四海實宗仰
三輔首善區兩度文衡掌
自愧砥硃材收入珊瑚廩
粟得升斗歸奉高堂養
彈缺走天涯未獲親函丈
杜厦多歡顏陸莊成廢壤
秋水蘆花開常憶瓶笙響

公以瓶笙蘆花命題

楊雲在大令

諱紹文山陰人

問青閣詩集

卷七

二

先生直心人處世近簡傲
相識杵臼閒襟懷欽古道
况有內助賢黃絹誇才調
王澹音夫人環青閣集
載歌謝氏吟親受宣文
教往來比姻婭忘形及老少
自歸白雲鄉空有青蠅弔塵
棺寄蕭寺未返山陰棹
徒存挂劍思何日銜環報

葉筠潭方伯

名紹本歸安人

學詩野狐禪源流混涇渭
幸得侍韓門真諦窺三昧
大雅有傳燈詳叅味外味
晉水樹屏藩山斗縈蔓寐
幕府遠相召飲食兼教誨
庇人廣厦閒坐我春風內
近復列卿班承恩依象魏
文譙盛城南玉敦珠槃會
未隨杖履游空滋桃李愧
何以祝我公壽考大富貴

余次卿侍御

諱文銓松滋人

賢者能薦人固難期必用卽此汲引心恩比邛山重樛材
遇哲匠幸邀繩墨中咫尺到神山天風忽迴送問字緣亦
慳遽斷春明夢遙望沱水寒梁木增隱痛

梁心芳侍御

名萼涵榮城人

青龍歲在酉努力重下帷渥荷陶冶德得結文字知鵬翮
將振起魚目終見遺書局比鈔胥亦獲秘笈窺書成邀甄
叙忝爲一邑師昔藉香滿盤飲水常源思

彭春農祭酒

名邦疇南昌人

虛聲竟何益公道於斯存文場奮拔幟勇氣三軍吞豈知

問青閣詩集

卷七

三

雲路隔終滯北溟鵬先子成名日實出文勤門夙緣結香
火再世論淵源未能出頭地深負廬陵恩

鄭夢白廉訪

名祖琛烏程人

北海鄭康成文章根經術作人非一途春華兼秋實竊喜
登龍門弟子慚入室邗水寄書來殷殷稱著述化雨枉及
時秋風遭屢黜才盡歎江淹慘淡懷中筆

伍實生都轉

名長華上元人

公本蓬苑仙出籌府海用風雅獨憐才門墻桃李種詰屈
絳園文乃爲昌黎重詎知疑氈鶴終非阿閣鳳晉水記歸
來金陵空遠夢翹首盼旌麾負笈思追從

大雪懷筠潭師

北風一夜揚塵沙同雲漠漠祗簷牙頰刻剪水開瓊葩不
須羯鼓三通撾白地錦織冰綃花銀龍野戰何紛拏姑射
仙人縞袂如玉山朗朗無疵瑕眉毫光放瞻釋迦天花亂
落僧袈裟粉本試認荆關家罽頭皴法工劈麻高樹突出
枝杈榷低壑填滿石樽窪千竿壓折竹傾斜窗紙靜聽沙
蟹爬元氣溟濛六合遮補天無事勞笙媧憶昔鴻爪留天
涯子雲亭畔來侯芭坂田六出滋麥芽吟壇幟樹紫薇衙
地爐圍火騰紅霞銜枚白戰無喧譁平頭掃試顧渚茶枯
腸冷潤燉煌瓜山城夜半聞邊笳篋笠夢繞丁沽槎歸來

問青閣詩集

卷七

四

澤國依蒼莨閉戶僵卧空咨嗟林中瑟縮同棲鴉竈底早
濕愁生蛙師門遠望隔京華萬笏積素西山誇欲往從之
道路遐珠璣定有詩籠紗安得重驅問字車浮梁美酒千
壺賒醉書凍墨縈秋蛇更拈險韻吟尖叉

秃筆

興酣搖嶽記縱橫此日中書屬老成不復揮毫誇兔穎祇
堪落紙壯蠶聲凋零自笑同蘓節髡墨何緣到管城漫說
千軍能力掃如錐鋒鈍愧毛生

蠹簡

牙籤錦罽半無存剝蝕真同落葉翻食字仙宜誇脈望守

書鬼枉祀長恩殘文誰校虎魚謬古篆常留蝌蚪痕不忍
輕拋歸故紙幾回攤曝向晴暄

破硯

石交何必定求全不限方圓轉自然誰向鄴臺尋斷瓦笑
看卽墨有分田紫雲割後猶堪用青鐵磨來果欲穿牘有
微凹留古致寒窗相伴已多年

鏞劍

土花隱起幾摩挲銘字依稀認太阿射斗光曾騰古獄逼
人氣已失寒波龍泉欲化雲烟黯鶻血全消歲月多漫說
沉沙同折戟霜鋒斫地待重磨

問青閣詩集

卷七

游王氏園

五

大好山林景名園傍水濱樓臺無俗韻位置想詩人石色
立何古鳥聲啼若春偶然來小憩便覺遠羈塵
讀史有感明太祖詔求宋理宗頭顱返葬會稽事

曹瞞摸金尉古冢始發遍劫運歷宋元慘禍乃再見真伽
爾何人竟敢肆兇亂六陵松柏悲魚燈出隧羨理宗不世
主頭額遭焦爛元俗重國師醍醐資項灌百年涵穹廬二
帝同哀怨臨濠起飛龍天下歌復旦明詔遍搜求略如佛
骨薦返葬歸江南魂應故都戀天道固好還滄桑忽抹電
孝陵有祠官起輦無麥飯

梧下吹簫圖
瓊簫聲咽鳳鸞幽金井梧桐落葉秋纖指自憐紅袖冷清
陰低見碧雲流宮人解誦王褒賦仙侶會偕弄玉游振觸
樊川詩興遠月明二十四橋頭

枕上口占

疎窗斜見月鈎含枕上初回睡味酣不信春宵常覺短懷
人夢已過江南

哭李亭午茂才

文憲

如何一病竟無名噩夢驚聞返玉京似此才人偏短數却
疑造物太無情麻衣點雪憐兒女絮酒臨風愧友生賸有

問青閣詩集

卷七

嘔心詩句在幾回展玩淚縱橫

夢中得松巔二句醒後足成

饑驅未辦買山錢夢裡誰知別有天築室何年傍巖壑開
軒終日對林泉松巔白鶴偃雲立澗底青虬抱月眠不用
更尋蓬島去栩栩一枕快游仙

故宮圖

彼黍傷周室章華繪漢宮王居千載壯民力一時窮劫火
銷沉久丹青黠綴工披圖思往事還與蜃樓同

溪山春曉畫障

到處垂楊好放船鳥聲啼破翠微烟溪山如此不歸去辜

頁江南二月天 院門對紫無家向帳前

夜景

讀書坐深更夜氣侵衣冷明月何時來小窗上竹影

黃河和作

一曲一千里滔滔勢未平獨趨東海大不學細流清銀漢
通源遠元圭溯績成重臣誰保障

帝念屢民生

將赴冀州校官之任

自分窮經老此生天教一命荷

恩榮八齡痛憶趨庭訓廿載悲深晝荻情文學居然稱郡

問青閣詩集

卷七

七

掾書香愧未振家聲九原何日親心慰展拜松楸淚暗傾
敢謂無羶厭冷官最宜粗糲腐儒餐材如樗櫟何妨散味
比楊梅略帶酸八口生涯真淡泊一肩行李尙艱難書生
面目今猶昨莫作登場傀儡看

宿靜海

茅屋數椽低柴門傍小溪客真同鳥倦僕欲共雞棲昏月
黃初上平疇綠未齊前村春社散人影散橋西

宿高陽

暫得征輪息欣聞近市喧軟紅隨驛騎新綠擁孤村鐘動
僧歸寺燈明客到門鴻飛無定向聊記雪泥痕

卽景

夢回旅館對長檠起向門前看月明寂寞孤村無漏柝一
陂荒草亂蛙鳴

保陽雜詩

襟帶河流處處通石橋也有小烏篷閒游問渡城南路一
夜歸心淀水東
天外芙蓉湧碧峯連山北望接居庸

漢家

陵廟風雲護佳氣分明認鬱葱

千秋碧血幽泉冷一代黃門偉績存寂寞銀牀覆苔蘚誰

問青閣詩集

卷七

來古井弔忠魂

明金侍御雅鶴殉
難井在三皇廟內

鼉負穹碑勒諫章公真有膽勵冰霜行人下馬瞻祠宇

宸翰褒忠日月光

楊忠愍
公祠

王文成公祠

武帝南征日維公實棟梁功高非震主師克已擒王血食

桐鄉遠心源泗水長文章私淑久瞻拜肅冠裳

對月

一雨洗空碧樓頭皎月生三更涼好納萬樹寂無聲抱此
冰心潔吟成夜氣清關山千里照望遠不勝情

偶成

土築墻垣接短籬人家庭院綠參差古槐也避紅塵遠百
尺凌雲始放棧翠嶺孤峯人驚十里銀燈猶坐樓
檐外烏雲似墨橫湘簾低護篆烟輕小窗閒煞文棋局細
雨蕭蕭午夢成

頻年佳節客他鄉自笑輪蹄爲底忙遙憶故園小兒女簪
榴佩艾過端陽

陰雲連蜷翻海水墨風吹散黃沙雨白日沉輝黯九幽燐
燈閃照骷髏起蜃灰抹面慘無華掀唇吮血流丹霞襲吐

問青閣詩集

卷七

九

魅啖妖狐跳蒸滌毒氣騰蝮蛇泥犁變相無不有鴉鵲聲
振寃魂吼鬼門爭攪紙錢飛相逢半是僵尸走慧眼能超
色界天好將平等視媼妍摩睺見慣人閒世不待猙獰畫
裡傳

夢亡友李亭午

卧病西窗覲面稀夢中相訪是耶非五更風雨驚人醒燈
影幢幢曙色微

府河登舟

不信風帆急翻疑岸退行孤舟入蘆港十里聽秋聲坐對
茶烟曩時聞水鳥鳴夜來更清絕早見月華迎

柴伙淀作

萬頃琉璃淨無邊長碧蘆秧分初試馬艇小儼飛鳧水利
周三輔波光憶五湖蓬窗涼不寐吟對短檠孤

淀河晚泊

涼雪墮蘆花西風吹雨止明月洵多情相就篷窗底波靜
瀟太虛皎如奩鏡啓長嘯對寥空十斛紅塵洗遙望暝色
添卧聽秋聲起前浦有歸舟輕橈盪烟水

淀河竹枝詞二十首

上白廟前波似穀大紅橋外艇如鳧往來漫說水程遠一
夜東風到直沽

問青閣詩集

卷七

十

韓家樹頭曉日晴依依柳色綠雲平千絲萬縷臨風舞會
記當年

鳳舸迎

白苧裁衫布作禪不施脂粉也消魂扁舟送婦歸窻去隔
淀隄邊第幾村

歲歲清和賽藥王帆檣齊進鄭州香如雲士女紛祈福百
貨場中作道場

柁樓晚飯趁斜陽白酒紅菱共舉觴一尺鯉魚新出網好
須宋嫂作羹湯

蘆港秋深刈翠雲纖纖玉指萬絲分平生未解迴文字簞

席織成學錦紋
行殿周盧迹莫尋
水村屢見

翠華臨

浣河行宮近奉天

詔裁撤

聖朝水利千秋賴始信

恩波此處深

琉璃萬頃碧波澄
老柳磯頭坐守營
嘔軋何人乘舴艋
滿天風雨放魚鷹

門巷垂楊逐水開
蒲帆飽挂盪船來
小姑搖艫嫂推柁
知是前村拾麥回

采來玉藕如妾臂
折得芙蓉如妾顏
船上見郎羞不語
低

問青閣詩集

卷七

七

頭一笑入花間

蒲葉青黃岸外多
編成小扇引風和
花間戲撲雙飛蝶
何

用團團握素羅

鄰家女兒年十三
買魚攜得小筠籃
媽紅姪紫都無用
深

淺衫襦染蔚藍

鴛鴦蓮底雙雙睡
野鴨蘆邊對對飛
詎似儂歡駕船去
經

年累月不思歸

貪坐涼風夜未眠
隔橋燈火認漁船
三更月出烏龍口
宛

似驪珠一顆圓

獨流東去小船多
漠漠烟光漾漾波
若喚吳娘來盪槳
好

聽蓮唱與菱歌

葦簾茅屋是農家
郎若停舟來喫茶
別有動人春色好
雲鬢斜壓水蒨花

蓮花泊裡開白蓮
萬柄亭亭帶露鮮
劈破蓮房偏愛子
折來蓮葉總絲蓮

去住浮蹤水上雲
春來折柳見紛紛
送人送到浣神廟
平半相思兩地分

浣神廟在東西兩浣適中之地

水田多在石溝西
處處秧鍼接稻畦
自是眉山遺澤遠
蘓橋眞欲比蘓隄

蘓蘩何異周南澗
葦芰多生趙北橋
笑煞西湖小兒女
只

問青閣詩集

卷七

七

知花月弄笙簫

感懷

三十功名苜蓿馨
不堪回首舊衫青
埋頭經史東西屋
撲面塵沙長短亭
歲月奔馳同逝水
知交寥落感晨星
雞豚未逮親存日
恨抱終天涕暗零

和人無題

定情猶憶破瓜年
老去徐娘劇可憐
梅子微酸偏有味
荷花解語倍增妍
鴛鴦願化樓頭瓦
雞犬全迷洞裏天
閒向金爐薰鴛鴦
篆烟人意共纏綿

高挽雲鬢整翠翹
相逢幾度欲魂消
玉臺作聘輸溫嶠
金

屋難藏負阿嬌舊恨空書青鏤管新聲記按紫瓊簫雙成
見說隨王母彩鳳西飛萬里遙

量小頻斟金叵羅紅潮暈上兩腮渦情田夢潑巫山雨別
淚流添洛水波微體生香同挂鳳捧心善病愛顰蛾欲迎
桃葉無舟楫廿四橋邊喚奈何

枉被青樓薄倖名春風消息未分明畫廊慣聽調鸚語芳
草偏教碍馬行月裡元霜應換骨人閒紅豆最多情他年
再過藍橋路我與雲英有舊盟

運河舟行

雞犬欣全載烟波足壯游一家隨薄宦千里泛輕舟笑語

閩青閣詩集

卷七

七

忘爲客新涼預借秋此中有真樂何必覓封侯

舟晚

貪得東風利扁舟晚尙行樹隨高岸盡波浸大星明蚊靜
黃昏市蛙喧綠野更逢窗燈火上鄉味問魚羹

雨後卽景

涼風颯颯雨初收天氣微涼欲換秋一片輕陰鋪水面飛
雲如馬過船頭

舟中示內

傳書千里報平安炊婦勞人兩地難何似浮家今日樂一
蓬烟水話團圓

抵信都作

疎慵未慣習逢迎
醴冷知應世不爭
大可著書消歲月
猶容長揖見公卿
銜鱸敢望關西貴
相馬誰高冀北名
莫笑滿盤堆苜蓿
菜根有味足平生

庭花

秋花不知冷帶雨
倍增妍
僻徑無人賞
幽姿應自憐
香宜標晚節
澆爲汲清泉
不信金風肅
春芳一例鮮

送党和軒

軼羣

判官旋晉

辟陽亭畔幸追陪
忽唱驪歌命駕回
勞我雲山常望遠
感君萍水獨憐才
廿年宦味添華髮
三徑閒情寄酒杯
歸去

問青閣詩集

卷七

丙

田園真樂在庭前
玉樹好栽培

冀州夫子廟古栢行

何年滄海飛蚪龍
遠隨雲氣來
巒宮鱗甲斑駁之
而作天矯勢
欲騰蒼穹
此栢近亦唐宋物
稽詢歲月惜無從
仰視不知其高幾百尺
但聞濤聲謾謾搖
天風長劍戟
冠立庭陞軒昂
不作佞儂容
一株倔強生
當中兩株旁
夾分西東同根異幹
互連理儼劈華嶽
排神峯
前人錫名爲三友
象形寓意何其工
旁有一栢復奇古
退讓何異兒
隨翁羨爾託依信
得所杏壇氣象何雍雍
泮水馨香接芹藻
上丁樂奏諧笙鏞
諸生習禮走踰濟
子矜色映青玲瓏
君不見闕

里有古檜千秋元氣含鴻濛又不見燕京國子學圓橋尙
植元朝松乃知聖澤彌宇宙阿護到處勞天公信都昔稱
用兵地溥沱屢決城邑空竟免斧斤得無恙巍然望與靈
光同坐閱人世幾陵谷蒼顏黛色無春冬苔蘚年深護魯
壁棟樑材大驕秦封樹木自通樹人理如爾不負栽培功
望家書不至

自別津橋路思家直至今魚書偏寂寞驛使定浮沉入夢
空千里開緘抵萬金寒衣猶未到怕聽遠城砧
無事

終日靜無事幽居似野郊青氈空自擁白板更誰敲壞壁
問青閣詩集

卷七

五

尋蝸篆疎林見鵲巢聊堪娛悅處書卷未全拋

哭葉晴渚上舍

壇

遠道長相憶驚聞赴夜臺春明嗟短夢造物忌清才過眼
曇華現傷心玉樹摧篋中數行字制淚忍重開

豆腐四首

漫將三德贊來其餽啜居然腐化奇君子交原宜白水先
生饌合配黃齏秘傳點藥成丹候

相傳爲淮南
王用藥點成

滑愛如泥

切玉時近學東坡常戒殺不妨終歲是齋期

下箸何須費萬錢愛他菽水味天然咄嗟應異熊蹯煮軟
膩還疑獺髓煎莫對盤餐嚼蠟嚼劇憐釜火見萁然早知

肉食謀多鄙。自種南山數頃田。

市向村墟價未昂。瓦盆誰更乞餘漿。香分杏酪三春好。嫩
比槐淘一味涼。絕妙頭銜稱博士。世稱教官。爲豆腐官。漫將膚理辨

厨娘。詩腸怪底清如許。齒頰紛紛留雪霜。

朝來卯飲侑提壺。一笑粗餐稱腐儒。求益何嫌同買菜。老
饕誤認作凝酥。自存淡泊真風味。未改端方舊範模。料理
豉鹽初下好。食單聊備不時需。

偶成

紗窗親搗女兒花。染得葱纖手自叉。偶被猩紅污玉臂。教

人錯認守宮砂。

閨青閣詩集

卷七

六

問青閣詩集卷八

天津樊 彬質夫

寄小廉姪孫

連朝聞鵲噪喜事見家書
斫桂終期爾傳薪實愧余雲程
占萬里日益重三餘汲古資
修緘心宜學竹虛

睡起

爲有還鄉夢春來睡起遲
雞鳴頻報曉蝶化已多時
風雨重衾冷烟波故里思
身閒慵已甚晨課且呼兒

讀總戎高東瞻先生相國東軒先生詩集

豈爲勲名掩才華本道腴
門高森畫棗詩富擬聯珠
海嶽

問青閣詩集

卷八

襟懷澗風雲氣象殊披吟宜
萬遍蟲技愧操觚

馮生餽芍藥

敲門疑是吏催租春色忽驚到
做盧消盡腐儒寒儉氣帶

圍金映玉盤孟

留鬚

頭顱老醜更何爲
蝟磔脣邊實可啞
漸覺衰容催皺面却
宜癯貌有吟髭
花鬚短比春前放蓬鬢
羞同鏡裡窺寄語
吳中團扇畫放翁不似少年時

贈兆吉士少府

年少神仙尉英才孰與倫
風塵甘吏隱儒雅見天真
大筆

千軍掃長城五字新芝蘭欣可接咫尺結芳鄰

聞問莊兄春闈捷音詩以誌喜

紅杏花開滿

上林春風欣見報泥金門庭漸有科名盛弓冶應承祖德
深寶劍騰淵誰識氣焦桐入爨遇知音鵬飛快展摩雲翼
不負平居一片心

王前盧後任紛紜一樣紅綾豔許分姓氏何嫌同驥尾聲

名知已出雞羣奎光朗映郎官宿時方需次郎曹臚唱祥占太史

雲早晚魚書應見寄青錢萬選讀新文

炎涼閱盡始成名盤錯真教壯志生伏櫪久思千里聘簪

問青閣詩集

卷八

二

花共羨一枝榮力田竟有逢年日拔幟還如背水兵從此
亨衢知徑達不須端筭問君平

荆花先世本交柯二陸雙丁令譽多失怙我方嗟廢學承
家君果慶登科一官好去金臺住十載曾經鐵硯磨吟向
寒氈聊自喜霓裳天上更如何

雜興

穿魚聘得狸奴小戲向中庭晚未歸蝴蝶一雙過牆去樹
陰猶逐落花飛

蒼苔碧草滿荒衙載酒稀逢問字車今日門前聞剝啄東
鄰折贈小桃花

階下疎槐碧蔭清高枝恰愛一蟬鳴小窗夢醒南風過誤
聽濤聲又雨聲
笑他蜂蝶太忽忽墻角初開一丈紅誰信蜀葵同蜀錦簇
新花樣剪薰風
矐矐旭日露華光愛向窗前坐曉涼絕少蕙蘭薰斗室疎
櫺時透棗花香
鵲巢影架樹團團幾日新晴聽語乾寂處料無堪喜事門
庭憑爾報平安

移得新篁三兩竿風前搖曳碧瑯玕月明略見當窗影聊
作生綃寫意看

問青閣詩集

卷八

三

大兒花下拈新句小子窗前課熟書卽此消磨閒歲月浮
雲富貴較何如

雨後

別院無人到黃昏獨捲簾樹搖晴後雨天補暑餘炎蝸篆
明高壁蟾輪隔畫檐繞階花盡放撲鼻晚香添

寄鶴洲姪

謝氏子弟佳玉樹芝蘭擬書足張吾軍阿買昌黎喜吾家
業縹緗奕世守詩禮愛爾稟異姿崢嶸卜後起立志陋紉
袴讀書薄蟲技不見忽經年音問憑河鯉昨展平安書新
詩滿矮紙七字頗老成精進乃如此念爾不能見聊爲伸

厥旨歌詠根性情非徒務贍美噉啗出天籟風雅有正軌
勿爲邪魔障堅奉南車指高起祛浮華會心生妙理油然
而沛然發於不容已一從詩教雜疇能探精髓剽賊語實
吮纖巧風斯靡枯或譏筍蔬奇亦笑牛鬼薪傳不盡燈傳
指數人耳癡叔築吟壇未能堅壁壘草草就冷官聲華嗟
已矣爾年尙未冠精勤亟礪砥奧義探三唐元音追四始
勉旃須及時歲月不我與鼓吹際休明家駒快千里

夜坐

夜氣何蕭瑟涼風雨乍收梧桐漸疎落河漢正西流花影
三更月蟲聲一院秋懷人多遠思雲外有高樓

問青閣詩集

卷八

四

晚香玉

香通鼻觀夜遲遲恍見瓊林玉樹枝翠被恰薰人定後藍
田誰種月明時晚妝綽約簪雲鬢仙夢依稀遇雪肌點綴
畫屏秋色淡高燒銀燭照幽姿

蟹

霜螯味美重秋深郭索宜從稻水尋出穴鋒寒空擁劍爬
沙聲急憶鳴琴黃中詎解通元理白小同堪入醉吟橫絕
文章誰得似泥塗屈迹到於今

秋夜

月色白於晝何須秉燭游花香涼帶露竹影靜搖秋長嘯

舒鸞鳳離情悵斗牛無人相與語逸興寄清謳

中秋對月

秋空如水浸銀蟾此夕登樓興不孤誰見羽衣凌碧落擬
將心地貯冰壺清輝閱世成千古良夜懷人過五湖最愛
銅琶兼鐵板大江東去唱髯蘇

題堯琢如九齡兩茂才詩冊各一首

鯉訓聞詩久鯨鏗琢句新吟壇出飛將秋水溯伊人信有
才如海方知筆有神歌成同下里高調愧陽春

夙慧由天授高文仰世傳三秋來舊雨五字覩新篇秀氣
中條奪才名小宋先羨君年未冠雲路步連翩

問青閣詩集

卷八

五

寄津門故人

灑落千篇富新詩許共聞衡門俯秋水妙句吐春雲梅爲
懷人折蘭思入室薰尺書如見寄南雁正呼羣

對菊有作

鞠華紀候肇呂記秋色惟數中央黃邇來種類日繁衍問
名何啻百什強造物靈巧日宣洩居然白帝驕青陽籬下
斑斕雜五色一花直可兼羣芳傲骨由來稟金性寄生何
藉邪蒿長根可高接良友投贈比瓜李寒英壓擔霏清香種以

蕺斗列四壁燦若錦繡臨風張高城九月西風涼烏啼五
夜天雨霜萬木凋零百卉萎阿嬌獨愛金屋藏清泉灌漑

屢抱襄醇醪醉飲羣飛觴白日窗前看不足更燒紅燭窺
殘粧惜哉古人未見此九原可作思柴桑

簾鈎

朱樓高捲水晶簾鎖挂金釧近綺檐痕細低垂雙押重歌
新巧唱兩頭纖綠莎共展芳心嫩紅袖初抬玉指尖偶向
猩屏圖畫映寫生花訝折枝添

環中有意靜宜參妙思真如乙乙合香篆遠飄烟一縷涼
宵還學月初三爲誰着眼敲珠箔却恐搔頭礙玉簪定有
游魚驚避去欄前倒影落澄潭

翠幙紅旌望轉深珊瑚懸處費沉吟占風響雜東丁玉耀

問青閣詩集

卷八

六

日光分屈戌金黛染蛾眉彎共掃書成蠹尾細堪臨縈迴
不斷隨青瑣曲曲休疑稚子鍼

當門小立幾凝眸振觸閒懷最上頭一桁湘波疑劃水三
春漢殿憶藏鈎飛來燕子紅襟拂搭住楊花白雪柔最是
黃昏依繡額斜陽半晌爲勾留

道院聞笙

三層樓閣夜沉沉古栢長松滿院陰捲盡白雲秋月冷天

風吹下鳳鸞音

書懷

寂擁青氈冷虛拋白日過閉門生計拙入夢故人多空負

聞雞舞誰憐對酒歌壯懷消未盡匣劍幾摩挲

瓢兒菜

嫩黃生翠滿堆盤飽我何殊苜蓿餐自笑冷官匏繫久菜
根風味足清寒

苗甲偏經霜雪滋小園誰種滿寒畦堇茶信有甘飴美莫
賦風人苦葉詩

黃齏百糞未全空旨蓄還宜摘晚菘何必萬錢纜下箸居
然陋巷有高風

食肉原知骨相無烹葵誰與共圍爐不妨大嚼頻邀客誤
認當筵拗頸壺

同青閣詩集

卷八

七

題初鹿垣廣文詩冊

苜蓿憐同氣芝蘭結素交千篇富吟詠幾度費推敲倒峽
才驚發含毫味曲包錦囊珠玉滿矮紙爲親鈔

喜雪寄和筠潭師用東坡韻

昨夜同雲掩月纖朝來絮舞朔風嚴掃伸僮約烹龍餅堆
訝天厨設虎鹽瑞澤已看滋麥隴晴暄好待負芻檐微茫
一片迷高下惟見城頭露塔尖

高臥寒同瑟縮鴉門前絕少客停車鋪來滿地光明錦散
作漫天頂刻花鵝鵲軍喧懷往日羔羊酒煖屬誰家白描

大好龍眠筆素壁何須展畫叉

御審小瓶歌

瓶抱兩珥腹懸壺粉質玉潔絕塵污週圍布指纔一握上
有平遠溪山圖遠峯一抹疊青翠風來水面魚鱗鋪桃柳
成行傍老屋中藏落落蒼松株斷板橋低通別港雲烟隱
見雙浮屠此境彷彿游屐到田盤山耶丹菱湖何人善繪
工縮本毫髮畢具無模糊

上方秘玩不易觀卽此已足珍璠璣陶人技妙兼畫苑柴
哥舊器覺頑粗文房位置終日對神游我欲瓶眉居

東楊子萱大令

炳

古人結交重知心今人結交須黃金賴有文章通臭味不

問青閣詩集

卷八

八

因縞紵情已深與君相識恨不早千篇快讀新詩稿珠錦
才華冰雪思遠離夢想空顛倒我愧推敲句未工草間卽
啣鳴秋蟲詩壇旗鼓避三舍瓦缶敢謂諧黃鐘憶昔趨塵
叅大府綠慳未獲清輝覩入座遲聆玉屑霏盍簪終擬金
蘭譜聞君忽賦歸去來籬下黃花晚正開湖山佳趣歸吟
管風月閒情入酒盃一枝爲折梅花寄殷勤遙達相思意
駿足休爲虞坂鳴龍泉難掩豐城氣我輩升沉聽所遭莫
拍銅斗歌牢騷著作名山足不朽一官去就如鴻毛遠道
繇繇不可見何時親接荊州面歲云暮矣風雪寒願君努

力加餐飯

雪後

同雲連日釀瑞雪滿天飄耐冷思紅友傳神愛白描清光
生大界岐路失千條閉戶宜高臥梅花夢野橋

棗強道中遇雪

栗烈朔風緊行行路正賒裘輕添雪絮鬚磔沍冰花野慶
豐年玉人驅下澤車羨他茆屋叟袖手看歸鴉

晚步

出門何所適散步向高原殘雪明孤塔炊烟見遠村偶然
逢野老欲話已忘言歸路飛鴉引空林夕照昏

水仙花

閩青園詩集

卷八

九

彷彿凌波顧盼臨寒窗相對寄情深三生未插紅塵腳一
曲應知緣綺心水憶蓬萊幾清淺丹無蓮葉任浮沉高風
祇許梅花伴滿室幽香試細吟

臘月九日三男生

昨日纔嘗臘粥香朝來湯餅又筵張一生敢祝公卿貴三
索欣占男子祥對客休誇頭角異催人漸改鬢毛蒼向平
心事何時了他日應添婚娶忙

祭竈

一杯村酒薄司命醉難成神髻誰曾見臣心自勵清秣芻
循故事爆竹換新聲炊不因人熱年來鑒此情

除夕

年光瞥眼等飛塵。又見堂前柏棧新。陽律已調先五日。立春
巳五男祥欣舉第三人。三男野多雪絮占豐歲。室有梅花
對喜神。自笑冷官堪養拙。寒瓊兩見斗回寅。

信都懷古

恒嶽南來鉅鎮雄。千秋陵谷太怱怱。冀方難溯陶唐蹟。洛
瀆猶存夏禹功。牝牡有人工相馬。市廛何處溷非熊。趙王
墓上多荒草。軼事猶傳刎頸風。

卜者何能衣褚黃。卯金師已募南陽。運興赤伏平河北。天
遣白衣指道旁。大樹千秋思上將。蕪蕪一飯困眞王。流澌

問青閣詩集

卷八

十

遠接漳沱水。古岸平沙弔戰場。

旗鼓堂堂足破曹。本初意氣想橫刀。一從官渡師旋敗。始
信田豐策自高。避暑亭傾迷瓦礫。蓄糧塚在長蓬蒿。天心
已定三分局。並矢空傳草檄勞。

鉅鹿黃巾劫運過。紛紛戰骨積陵阿。諸興殺獍河邊遠。禍
釀豬龍帳下多。亂世疆臣常據地。驕藩養子慣操戈。文皇
靖難殊文叔。駐蹕穹碑字未磨。

甲午元夕

熒熒星火幾家懸。也聽春臺奏管絃。雪澤畿南占樂歲。風
光冀北見豐年。買燈猶有童心在。看月眞如佛面圓。迴憶

故園今夕好黃柑綠酒對吟賡

冀州新春雜詩

果然城市擬村墟
白板還開舊草廬
也似山中無甲子
門前未解換桃符

穿墉誰謂汝無家
一笑真乘入穴車
恰喜東風春色早
紅開簇簇鼠姑花

聚鼠之戲

欲滅還明燦列星
墻頭屋角火熒熒
深宵月色涼如水
共

向街頭散盞燈

燈盞
燃於通衢

簫鼓春臺笑語譁
松枝燈火又誰家
黃昏好約東鄰伴
萬

壽亭前看打花

燃鐵屑潑
之各打花

問青閣詩集

卷八

鵲巢

念爾營巢苦銜枝
幾日功主人居未穩
家室累應同影架
空林黑光迎夕照
紅乾聲雜向小何日
羽毛豐

落花四首寄邊袖石茂才

南園花事太怱怱
又向階前數落紅
金谷鸞迷三月雨
玉樓人怨五更風
繁華回首春如夢
解脫無心色卽空
畢竟陽和曾被萼
栽培常自感天公

枉費金鈴與護持
殘英滿地見參差
飛蓬到處隨飄泊
芳草頻年悵別離
向日已非含笑蕊
凌雲難附最高枝
文章水面無人賞
錦樣宮坊惜過時

返魂難覓大還丹九十韶光指一彈有約奚童頻掃徑無
聊羈客獨憑欄聲喧尙惹蜂成陣意懶空隨蝶作團狼藉
誰從門外問綠陰好待異時看

無言何必望人憐茵溷由來自任天岐路大歸傷棄婦岡
風小劫陀游仙欲簪華髮空留恨再覩芳姿動隔年應是
殘香銷未盡軟紅十丈尙塵緣

題初鹿垣廣文南亭策蹇圖卽送入都

東風吹綠垂楊絲流鶯語滑春日遲剝啄門前遠客至舊
雨一笑來何奇黃塵滿面坐未定出圖示我催題詩我如
竿澁無好思聊以驪唱歌臨岐君今匆匆歸日下錦囊珠

周青閣詩集

卷八

三

玉才不羈槐花夏課忙已到秋來定攀丹桂枝麥亭風月
記嘯傲薊門烟樹方迷離黃金臺下約相訪一鞭匹馬容
追隨

對雨

西南雲一角忽送雨聲來涼意侵衣葛新痕潤砌苔篆蝸
蟠壁濕歸燕喜簾開刈麥登場急田車走若雷

贈官遣僕

千里風霜苦隨余道路忙頻年依冷署此去也空囊涸轍
知魚困開籠任鳥翔還家好將母終勝滯他鄉

閒趣

無事得閒趣讀書生道心茅檐時獨坐庭樹正清陰冷宦
容高臥離懷寄醉吟真堪砭俗耳百轉聽鳴禽

雨

無邊林葉響遠助雨聲多被野一犁足橫空萬弩過雲烟
開畫幘風浪夢漁蓑傍晚池塘外蛙添兩部歌

松湘圃協揆虎字歌

草書入妙誇臥虎筆意奔騰貴竒古快我當前親見之素
壁高懸足威武相國今之伊呂臣行年八十猶精神鎖鑰
鉅任北門倚屯田威望西陲伸文章翰墨特餘事揮毫真
有千鈞力興至喜爲一筆書暇時愛作學窠字偶然命意

問青閣詩集

卷八

三

取於菟法由我造絕臨摹淡墨縱橫見斑駁白章黑質同
騶虞腕力人驚雷電掃意匠經營非草草空山大漠長風
生毛額森然怒牙爪館閣紛紛學晉唐誰能波磔脫鞮韁
俗姿媚態慚對此百獸震懾山中王我公勳名炳青史軼
事芳型挂人齒達尊有三不朽三何在區區此一紙鸞經
鬪券共流傳寶墨真可昭千年大人虎變其文炳莫教過

眼同雲烟

雨歇

疎雨空庭歇微雲帶月流花香開向晚樹影淡於秋身世
禪中蝨心情海上鷗故人端可念西北有高樓

木石

偶得樹根玲瓏多態置立庭中作石文觀亦老泉木
假山意也誌之以詩

物喻莊生齊詩戒高叟固意得形可忘貌遺神斯遇惟茲
困輪材朽棄苔殘蠹瘦透儼雲根孰復知枯樹植置小窗
前挺然圭角露積雨動經旬苔花點無數仇池象逼真米
顛拜或誤咫尺有遐心五嶽烟霞趣

寄鶴洲姪

果拔童軍幟開緘喜可知由來天下任責在秀才時努力
探芸簡當秋折桂枝龍文原不愧千里望驅馳

問青閣詩集

卷八

十四

暑雨遣興

癡龍海底貪睡美雷鼓電鞭忽驚起倒吸洪濤灑半空三
日人閒雨未止頽雲無縫濕不流鼃蛙跳梁陽烏羞萬派
飛泉射窗戶扁舟鬢髮江湖游美人曉坐晶簾下花霧溟
濛荷露瀉蹠色紅汚蝴蝶裙碎聲翠墮鴛鴦瓦膚汗蒸香
素粉光苧衣紈扇不生涼何當乞借封姨力日里歸車送

阿香

新秋

涼意新秋早輕雲釀薄陰一痕開夕照半晌挂高林我正
科頭坐誰同擁鼻吟年來塵事絕觸處有遐心

接筠潭師書寄呈一律

等身著作足千秋宦海浮榮水上漚自有寒香開晚節勝
他華屋感山邛清風已見傳三世霖雨終看潤九州深愧
一莊荒陸氏難將苜蓿當羊脩

翫月

明月隔高樹蟾輪圓未圓偶然步林外忽見浴溪邊在手
若可掬當頭忍遽眠納涼歸去晚疑是弄珠還

早起

棗樹林邊雨乍晴豆花棚外月偏明荒城寂寞無宵柝
閣羣蛙報五更

問青閣詩集

卷八

五

西南殘月尙彎弓河漢微雲沒曉空貪坐涼風常早起牽
牛花放短籬東

泊舟時溢陽河溢

人語隔禾黍遙知水滿村野雲吞樹暗沙浪浴星昏宅遠
蛟龍徙聲哀鴻雁聞蓬窗愁雨漏翹首望朝暾

潞河舟中

緇塵兩月客京華又挂征帆向水涯慘綠幾行緣岸柳
黃數點繞籬花微名笑捧毛生檄壯志思乘博望槎多少
離情拋未得獨從篷底看橫霞

夜起

明月濯清流相對誰賓主野濶天茫茫西風滿禾黍岸樹
漸凋零枝葉紛可數寒蛩亦何心孤吟不知苦冷露濕船
頭有如初過雨起坐獨推篷仰空默無語

涼風

好趁涼風爽扁舟泛綠波雨晴雲似馬水退岸如螺未遂
題橋志誰憐擊楫歌回頭楊柳暗離思此中多

歸途

多少英雄淚西風哭向天大羅成一夢小劫又三年晚遇
傷荆璞先登羨祖鞭歸途雲樹黯落葉咽哀蟬

迷路

問青閣詩集

卷八

六

南北東西路岐中又有岐燐燈垂野濶殘月出林遲筇
人方息津梁我已疲窮途休痛哭何事夜驅馳

偶成

颯颯疎林落葉黃當頭又見月輪光空階負手渾無事數
盡魚鱗瓦縫霜

夢中作行雲詩只記四句

終日看行雲行雲行不止出岫本無心爲霖亦偶耳

食山楂

嫩膚擘破變紅腴味有餘酸稱腐儒記得都門秋入市辛
尼一串大秦珠

江南顆顆比朱櫻結實應推北地豐賣與豪門消酒渴何

如山裡得常紅

又名山裡紅

鼠

人謂鼠性黠有時適形愚承塵廣數笏跳梁周四隅呼羣
不匿跡自覺履坦途狸奴巧窺伺擊其所不虞蠢然奮牙
爪搏噬殘微軀可憐雙目瞪搖尾命須臾禍機固不測自
計良亦疎不見太倉中吳腹得安堵

寒信

故鄉寒信記年年節近重陽已着棉偏是畿南霜落晚疎

槐綠媚小春天

閉青園詩集

卷八

七

自鳴鐘二十韻

東序垂名久西人制器精依時偏自應不叩亦常鳴室效
花龕小銅教界柱擎頂高看覆椀權綴儼懸衡卦位犧爻
列番書鳥篆呈細分星點碎圓挂月光盈橐籥包緘密機
關宛轉成運樞通上下炙輠笑縱橫尾掉形無定牙銜勢
未平鴛鍼看緩度蟻磨任徐行鐵忽疑賓躍風鼠大塊生
音從推轂出韻比擲金清始信環輪妙還聞啄木輕刻龍
兼晝夜候詎爽陰晴壺異周官挈人疑曾壁驚霜天同吼
響山寺恍飛聲鑄本宗鳧氏歌休閒鳳笙造真能憂憂評
不愧錚錚寸莖撞原異毫芒驗更明宛如仙樂奏得句關

鯨鯨

雪後對月

雪晴雲徹月當頭大界冰壺一望收如此清輝洵奇絕如
何人只賞中秋

雞鳴語

膈膈膊膊長雞啼霜華滿地明星低謁堂皇燭輝煌長官
在上聲勿揚左之右之如豕羊何不還家春黃梁

長姊不見八年矣今秋過冀相聚數旬匆匆言旋賦
此誌別

我生鮮兄弟同懷存伯姊不見忽八年相憶空千里前聞

開青閣詩集

卷八

六

抱陳疴纏綿幾不起既愧解組陶又慚燃鬚李幸而遇秦
醫刀圭得未死相見疑再生覷面雜憂喜偕行來冷衙蕭
帆挂秋水到門歡僕姬牽衣詫女子瘦竿苜蓿盤聊盡家
人禮存亡感親舊陵谷語桑梓至樂敘天倫團圓數旬耳
北風揚雪沙征輶挽不止中年長離別骨肉今餘幾珍重
病餘身平安報雙鯉

避暑亭 冀州

袁氏威名冠兩河信都游讎興偏多澄清想見橫刀日
慷慨殊對酒歌座客一時工草檄家風再世誤操戈草迷
薄落津頭路郿塢銅臺更若何

麥飯亭 南宮

蒼莽滄沱戰馬秋盤餐會向道旁求推心能振三軍氣餉
口翻難一飯謀大樹至今思上將蕪蕪終古滿平疇往來
多少饑驅客野戍停驂憶舊游

賣漿臺

東強

荒臺突兀倚晴空軼事千秋說太公薇食何人終避世壺
漿他日佐成功英雄未遇甘屠狗鬪鬪無心感夢熊北海
更聞遺蹟在竹竿幾度釣秋風

大城有子
牙河釣臺

竇氏青山

武邑

深潭何處賦招魂祠守宏推外戚恩令主方垂流水令少

問青閣詩集

卷八

九

君猶識採桑村象山制比禰連築立廟權殊呂后尊金盃
玉魚知已盡秋風莫上五陵原

雜詩

遽然一夢閒了了榮菟事開眼俱成空我生亦如是大壽
盡百年何須苦作許浮屠重無生無生復何益蜉蝣與龜
鶴修短無二致君子素位行時至吾當去

民性本蠢愚生初有秉彝教化不早聞俚俚無主持莠民
逞左道從而煽惑之顛蒙墮罪罟至死不知迷正學苦未
識邪說翻爲師蜀郡化文翁潮州祀昌黎古今豈異治民

牧請三思

